

# SARS YI TIYIMISERILE KU SIMEKA ENGETELO WA MPIMO WA VAT

**Pretoria, 27 Nyenyankulu 2018** – Vukorhokeri bya Xibalo bya Afrika-Dzonga (SARS) byi tiyimiserile ku simeka engetelo eka Xibalo xa Nxavo wa Swimakiwa (VAT) lowu tivisiweke hi Holobye wa Timali hi Nyenyenyani.

Holobye u tivisile leswaku mpimo wa VAT wu ta engeteriwa ku sukela eka 14% ku ya eka 15% ku sukela hi ti1 Dzivamisoko 2018.

Swipano swa SARS swi le ku tirhaneni na micino eka tisisiteme leti tirhisiwaka ku amukela mitiviso ya VAT leyi endliweke hi van'waswimawusa no hlayela mivuyiselo yin'wana na yin'wana ya VAT kumbe VAT leyi kolotiwaka SARS. Micinco eka fomo ya VAT201 yi endliweke yi kombisa engetelo eka mpimo wa VAT.

Van'waswimawusa lava tirhisaka SARS eFiling ku rhumela mitlheriso ya vona ya VAT no va va sevhile mitlheriso exikarhi ka mikarhi ya loko ku nga si fika na loko ku hundzile ti1 Dzivamisoko 2018 va ta lemuka leswaku mitlheriso yaleyo leyi sevhiweke yi susiwile tanihileswi a yi ri na mipimo leyi hoxekeke ya VAT. Van'waswimawusa va fanele va kombela VAT201 yintshwa eka eFiling.

SARS yi tlhela yi tsakela ku hlohlotella van'waswimawusa ku antswisa tisisiteme ta vona leswaku ti fambelana na mpimo lowuntshwa wa VAT ku lulamisela ti1 Dzivamisoko 2018. Leswi swi ta hunguta mpfilumpfilu eka tikhasimende no endla swi olova eka van'waswimawusa leswaku va tshama va landzelerisa xibalo no endla mitiviso yo lulama eka SARS.

Van'waswimawusa va hlohloteriwa ku endzela [webupheji ya Xibalo xa Nxavo wa Swimakiwa](#) laha va nga ta kuma [Xiletelo xa le Xikhwameni](#) na sete ya [Swivutiso leswi Vutisiwaka hi Xitalo](#) ku va pfuna eku twisiseni ka swiringanyeto swa engetelo wa mpimo wa VAT eka mixaka yo hambanahambana ya tithiransakixini.

SARS yi tlhele yi tumbuluxa imeyili adirese leyi nyiketeriweke swa mpimo wa VAT ya [VATRateEnquiries@sars.gov.za](mailto:VATRateEnquiries@sars.gov.za) leyi van'waswimawusa va nga rhumelaka swivutiso swa vona. Van'waswimawusa va nga tlhela va tihlanganisa na SARS Contact Centre eka 0800 00 7277.